



Azalpenak ematen dituzte monitoreek lehorrean, erreka jaitsi aurretik.



Neoprenozko erropak jantzi eta behar den materialarekin erreka jaitsi ginen.



Errobi ibaia 15 kilometroko ibilbidea du.



Errekan behera adrenalina

Rafting-a egiteko orain da sasoirik onena, udaberria.  Arriskuak sortzen duen zirrarak erakarrita, erreka jaitea ohitura hasi da bilakatzen.  Euskal Herriko erreketan ere egin daiteke Rafting-a.

 testua: **ane sarasketa** ■ bidarra: **pablo s. quiza**

Azken aldian abenturazko kirolek sortzen duten erakarpenaren amuari kosk egin diogu guk ere. Modak bultzatuta akaso, Rafting-a egitea erabaki genuen zenbait lagunek. Goiz batean elkartu eta egin. Konturatu ginenerako bost kilometro eginak genituen Errobi ibaian behera.

Abentura guztiek legez, Rafting-a egingo genuela pentsatzeak urduritu egiten gintuen gutako zenbait; lehen aldiz errekan behera abiatzeko prest agertu ginenak batik bat. Neoprenoz-

ko jantziak janstea dagoeneko abentura bilakatu zen guretzat; kaskoa buruan, arrauna eskuan eta flotagailua.

Gertu ginen zetorren guztiari aurre egiteko. Errekara jaitsi aurretik, monitoreen azalpenak entzun beharra dago; gomazko ontziak nola gidatu, nola egin arraunean edo arroka baten kontra joaterakoan zer egin behar den jakiteko. Sekretua ezker eta eskuma ongi bereiztean dago, eta horretan ere izan genuen zenbait arazo gutako batzuk.

Arrosan hasi genuen ibilbidea, Bidarraira arte. Ur larregirik gabe

zetorren egun hartan Errobi ibaia, eta horrek erraztu egin zigun jaitsiera.

Rafting mailaketan 3. gradua duen erreka da Errobi. Sei maila daude (errazetik zailera), eta 6.aren ostean zailtasun mugagabea duten errekek daude. «3. gradua egin dugu guk, baina samurra, ez baitu euri askorik egin azken egunetan», azaldu zigun Mattarik, BKZko monitorea. Izan ere, Euskal Herrian hiruzpalau erreketan egin daiteke Rafting-a: Errobi, Bidasoa (2. eta 3. gradua) eta Eska (3. eta 4. gradua). «Piraguarekin ibiltzeko hauetaz gain badira beste erreka batzuk ere: Ezkurra, Leizaran eta Santa-Grazi

esaterako. Euskal Herrian badago lekua kirol mota horiek egiteko. Jendea hasi da konturatzen hortaz, eta gero eta jende gehiago etortzen da. Eskolak, familiak... Gurekin aritzen direnen %90a euskal herri-tarrak dira. Gainera, sozializatzen ari den kirola dela uste dut, edozeinek egin dezakeelako. Bakoitzak bere neurrian, 2. graduan edo 4.ean, baina guztientzako kirolak dira», dio Mattarik.

Arroka bakoitzak izen bat

 Horrelako jardueretan aritzen direnek erreka bere burua beste eza-gutzen dute ia-ia. «Hainbat aldiz egin dugu ibilbide bera... Imaginatu, erre-kako arroka bakoitzari izen bat jarri diogu», azaldu du Mattarik. Dena dela, eta monitoreek segurtasuna eskaintzen dizutela jakin arren, korranteek errespetua sortzen dute, eta ikusten

Euskal Herria eta Bidasoa